



Broj: 01-05-1-712/16
Sarajevo, 12.12.2016. godine

SKUPŠTINA KANTONA SARAJEVO
Reisa Džemaludina Čauševića 1
SARAJEVO

n/r Predsjedavajuće Skupštine
n/r zastupnika, Hameda Aljovića

Predmet: Komisija za izbor državnih službenika, odgovor
Veza: Broj: 01-05-28215/16 od 21.10.2016. godine

Vezano za vaš akt, broja i datuma, gore navedenog, odnosno zastupničko pitanje o načinu imenovanja članova Komisije za izbor i provođenje stručnog ispita u proceduri odabira kandidata za prijem u organe državne službe obavještavamo vas o sljedećem:

Članom 27. stav 2. Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12 i 99/15), između ostalog, je propisano da Komisiju za izbor čine tri člana, od kojih su dva državni službenici iz organa državne službe na koji se javni konkurs odnosi, sa akademskim i profesionalnim iskustvom u oblastima obuhvaćenim procesom javnog konkursa, od kojih je jedan član predstavnik sindikata, dok se treći član imenuje sa liste eksperata koju utvrdi Agencija za državnu službu Federacije Bosne i Hercegovine, u daljem tekstu; Agencija.

Shodno navedenoj odredbi prijedlog dva člana Komisije za izbor, Agenciji, dostavlja organ državne službe po čijem zahtjevu se provodi procedura javnog konkursa, a trećeg člana, sa Liste eksperata sa koje se imenuju članovi komisije za izbor, imenuje Agencija, vodeći računa da svi članovi komisije imaju akademsko i profesionalno iskustvo u oblastima, obuhvaćenim predmetnim javnim konkursom.

Osim navedenih, propisanih uvjeta, prilikom odabira eksperata sa Liste eksperata uzima se u obzir i njihovo prethodno angažovanje u Komisiji za izbor i pri tome vodi računa da se, po mogućnosti, sa Liste eksperata ne angažuju stalno iste osobe, da se angažuju oni koji su pokazali visok stepen odgovornosti, profesionalnosti i stručnosti u obavljanju propisanih poslova, a samim time i objektivnosti pri ocjeni kandidata.

Rješenje o imenovanju Komisije donosi direktor Agencije.

Istina je da sve osobe na Listi eksperata nisu državni službenici, ali za one koji jesu, potrebni podaci se provjeravaju u Registru državnih službenika, koji vodi Agencija, a za druge provjere se vrše lično od njih.

Napominjemo da su propisi, koji regulišu predmetnu oblast, objavljeni na web stranici Agencije, ali vaš upit razmotrit ćemo kao inicijativu za bliže uređenje načina izbora eksperata sa Liste eksperata u Komisiju za izbor kandidata za državne službenike u organima državne službe.

S poštovanjem,

Po ovlaštenju v.d. direktora
SEKRETAR


Zinka Salihagić, dipl. iur.

Dostavljeno:

1. Naslovu 2x
2. U spis
3. a/a

